



Broj: 01-16-4-2211-7/15

Datum: 23. 09. 2015. g.

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-2212-5/15, od 11.09.2015. godine, donosi sljedeću:

ODLUKU

o izboru najpovoljnijeg ponuđača za nabavku hrane, prehrambenih artikala i sredstava za ličnu higijenu

I

Prihvata se Preporuka Komisije za nabavke, broj: 01-16-4-2211-5/15, od 11.09.2015. godine da se ponuđač **Inter-com d.o.o. Zenica**, prvi i jedini na rang listi prihvatljivih ponuda, izabere za najpovoljnijeg ponuđača za nabavku hrane, prehrambenih artikala i sredstava za ličnu higijenu.

Dodjeljuje se Okvirni sporazum o isporuci hrane, prehrambenih artikala i sredstava za ličnu higijenu izabranom ponuđaču **Inter-com d.o.o. Zenica**, ponuda broj: 0598-A/15 od 08.09.2015. godine, za ponudenu cijenu od 28.391,16 KM bez PDV-a.

II

Odbacuje se kao neprihvatljiva ponuda ponuđača **Gold mignon d.o.o. Sarajevo**, jer ne ispunjava zahtjeve iz tenderske dokumentacije.

Odbacuje se kao neprihvatljiva ponuda ponuđača **Primaprom d.o.o. Banja Luka**, jer ne ispunjava zahtjeve iz tenderske dokumentacije.

Odbacuje se kao neprihvatljiva ponuda ponuđača **TPDC „Sarajevo“ d.d. Sarajevo**, jer ne ispunjava zahtjeve iz tenderske dokumentacije.

III

Okvirni sporazum o isporuci hrane, prehrambenih artikala i sredstava za ličnu higijenu će se dostaviti na potpis izabranom ponuđaču po isteku roka od 10 (deset) dana od dana dostavljanja obavještenja o izboru najpovoljnije ponude svim učesnicima postupka nabavke. Okvirni sporazum će se zaključiti na period od godinu dana od datuma njegovog potpisivanja i do vrijednosne realizacije.

Izabrani ponuđač je dužan dostaviti dokaze o kvalificiranosti u roku od 3 (dana) dana nakon što bude obaviješten od strane ugovornog organa o rezultatima postupka nabavke, a prema tački 13.1 tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti u dijelu koji se odnosi na izbor najpovoljnijeg ponuđača i dodjelu Okvirnog sporazuma.

IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH (u daljem tekstu: Ministarstvo).

V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, www.mhrr.gov.ba i istovremeno uputiti svim ponuđačima koji su učestvovali u postupku javne nabavke.

VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

Obrazloženje

Postupak javne nabavke hrane, prehrambenih artikala i sredstava za ličnu higijenu je pokrenut Odlukom o pokretanju postupka nabavke hrane, prehrambenih artikala i sredstava za ličnu higijenu, broj: 01-16-4-2211/15 od 25.08.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 30.769,24 KM bez PDV-a. Obavijest o nabavci, broj: 679-7-3-13-3-6/15 objavljena je dana 25.08.2015. godine na Portalu javnih nabavki.

Konkurentski zahtjev za dostavu ponuda za nabavku hrane, prehrambenih artikala i sredstava za ličnu higijenu je prosljeđen sljedećim ponuđačima: Gold Mignon d.o.o. Sarajevo, Mepas d.o.o. Široki Brijeg, Inter-com d.o.o. Zenica, Džajić Commerce d.o.o. Ljubuški i TPDC „Sarajevo“ d.d. Sarajevo, dok su tendersku dokumentaciju tražili i preuzeli sljedeći ponuđači: Defter d.o.o. Sarajevo, Eurosan d.o.o. Mostar i Pripaprom d.o.o. Banja Luka.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je Zapisnik o pregledu i ocjeni ponuda, broj: 01-16-4-2211-4/15 od 10.09.2015. godine i Preporuku o izboru najpovoljnijeg ponuđača, broj: 01-16-4-2211-5/15 od 11.09.2015. godine, u postupku javne nabavke hrane, prehrambenih artikala i sredstava za ličnu higijenu.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 4 (četiri),
- da je blagovremeno zaprimljeno 4 (četiri) ponude,
- da nije bilo neblagovremeno zaprimljenih ponuda,
- da je dat prijedlog da se 3 (tri) ponude odbace,
- da je ponuda Inter-com d.o.o. Zenica prva i jedina na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

1. Inter-com d.o.o. Zenica 28.391,16 KM bez PDV-a.

Na osnovu utvrđene rang liste prihvatljivih ponuda, jedina prihvatljiva ponuda je ponuda ponuđača Inter-com d.o.o. Zenica u iznosu od 28.391,16 KM bez PDV-a.

Na osnovu člana 68. stav (1) i (4) tačka i) Zakona o javnim nabavkama, Komisija je utvrdila da su ponude Gold mignon d.o.o. Sarajevo, Primaprom d.o.o. Banja Luka i TPDC „Sarajevo“ d.d. Sarajevo neprihvatljive i iste je potrebno odbaciti iz sljedećih razloga:

Ponuđač Gold mignon d.o.o. Sarajevo je u Aneksu 1 Obrazac za cijenu ponude-robe pod „Ukupna vrijednost sa popustom bez PDV-a“ upisao ponuđenu cijenu u iznosu od 31.154,04 KM. Obzirom da je procijenjena vrijednost javne nabavke: 30.769,24 KM bez PDV-a, ponuda nije prihvatljiva. Nadalje, Aneks 2 Obrazac za ponudu nije uredno popunjen, odnosno na obrascu pod „Broj nabavke:“ i „Broj obavještenja sa Portala JN:“ nije ništa upisano.

Zbog svega naprijed navedenog, ponuda ponuđača Gold mignon d.o.o. Sarajevo je neprihvatljiva iz razloga što ne ispunjava zahtjeve iz tenderske dokumentacije, te se ista odbacuje.

Ponuđač Primaprom d.o.o. Banja Luka je u Aneksu 1 Obrazac za cijenu ponude-robe pod „Ukupna vrijednost sa popustom bez PDV-a“ upisao ponuđenu cijenu u iznosu od 49.716,84 KM. Obzirom da je procijenjena vrijednost javne nabavke: 30.769,24 KM bez PDV-a, ponuda nije prihvatljiva. Nadalje, Aneks 2 Obrazac za ponudu nije uredno popunjen, odnosno na obrascu pod „Broj nabavke:“ i „Broj obavještenja sa Portala JN:“ nije ništa upisano.

Zbog svega naprijed navedenog, ponuda ponuđača Primaprom d.o.o. Banja Luka je neprihvatljiva iz razloga što ne ispunjava zahtjeve iz tenderske dokumentacije, te se ista odbacuje.

Ponuđač TPDC „Sarajevo“ d.d. Sarajevo je u Aneksu 1 Obrazac za cijenu ponude-robe pod „Ukupna vrijednost sa popustom bez PDV-a“ upisao ponuđenu cijenu u iznosu od 31.999,80 KM. Obzirom da je procijenjena vrijednost javne nabavke: 30.769,24 KM bez PDV-a, ponuda je neprihvatljiva. Nadalje, Aneks 2 Obrazac za ponudu nije uredno popunjen, odnosno na obrascu pod „Broj obavještenja sa Portala JN:“ nije ništa upisano.

Zbog svega naprijed navedenog, ponuda ponuđača TPDC „Sarajevo“ d.d. Sarajevo je neprihvatljiva iz razloga što ne ispunjava zahtjeve iz tenderske dokumentacije, te se ista odbacuje.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti i ponude ponuđača Inter-com d.o.o. Zenica, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.


S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Inter-com d.o.o. Zenica je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Uputa o pravnom lijeku:

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.



MINISTRICA

Semiha Borovac

Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.